

[§ 6.] Ist ouch, daz he klagit vor si unde daz^{a)} man im antwertet, demeselbin, der im antwertit, deme muz he ouch vor si wider antworten zu rechte alle der sache, di^{b)} in di klage zuht oder gehort, di he gevordirt hat. Was anderre sache ist, der mac he ledic sin.

5 [§ 7.] Hat ein man gesinde, knechte oder meide, an den man unvuge begeht, (Sch. § VI.) daz mac der man wol vorderen, daz an im geschen ist, daz man sin nicht geschonit hat an sime gesinde unde habe den vride an im gebrochen. Des^{a)} muz man im antworten zu rechte. Unde sin gesinde mac ouch vorderen, daz an im selbin geschen ist. Des muz man im ouch antworten zu rechte.

10 [§ 8.] Hat ein man ein pfert, daz werde ledic unde loufe unde tu einen schaden (Sch. § VII.) unde kume des^{a)} wider heim in sin hus, daz pfert mac he borgen biz zu deme nehisten dinge ane vare, also daz he^{b)} di willekure wol hat biz^{c)} zume neisten dinge. Ist der schade also groz, daz he sich des pferdes getrosten wil, so gestellit he iz vor daz dinc unde uzent^{d)} sich sin unde wirdit ledic. Ist aber, daz he davor antworten wil, so beheldit Sch. p. 282.
15 he sin pfert unde antwertit, als recht ist.

[§ 9.] Welch^{a)} man sitzet uf einem pferde, he si herre oder knecht, di^{b)} wile daz (Sch. § VIII.) pfert einen schaden tut, in welcher wis daz geschit, so muz der man davor^{c)} antworten vor den schaden zu rechte, der uf dem pferde sitzet, unde daz pfert ist ledic.

[§ 10.] Tretit^{a)} ein wagen ein kint oder ein swin oder waz iz ist, der wagen ist (Sch. § IX.)
20 unschuldic unde di^{b)} pfert; ienre, der den wagen vuret, der ist schuldic unde der muz antworten vor den schaden. Des aber di pfert sin unde der wagen, der beheldet si mit rechte.

[§ 11.] Stunde aber ein wagen mit pferden ane hute unde wurden di pfert loufen oder gehn mit dem wagene unde teten einen schaden, den^{a)} muzen di pfert gelden, oder
25 ir meister muste davor^{b)} antworten, wolde he sich ir underwinden.

[§ 12.] Hat ein man einen hunt, der di lute bizet oder anbillet, vor den mac he (Sch. § X.) antworten, ab he wil. Ist aber, daz he in dazu zuhit oder hetzet zu den luten, des muz he antworten.

[§ 13.] Hat ein man einen hunt, der di lute bizet oder anbillet, unde wirdit der
30 hunt geslagen oder geworfen darumme unde wil he daz vorderen, he muz ouch vor den hunt antworten, waz he schaden getan hat in demselben urhabe, als he geslagen oder geworfen ist, zu rechte.

[§ 14.] Hat ein man ein howende swin, daz einen schaden tut, he muz davor (Sch. § XI.) antworten zu rechte, wendiz ein howende swin ist, oder muz sich sin uzen^{a)}.

35 [§ 6.] a) Fehlt C. b) die her B. d[§] sich C.

[§ 7.] a) Daz C. Darvor H. Dafür W.

[§ 8.] a) Fehlt B. b) die wile Zusatz B. c) fehlt C. d) üssert B.

[§ 9.] a) So welch B. b) ab d[§] C. c) fehlt BC.

[§ 10.] Fehlt B. a) aber Zusatz C. b) fehlt C.

40 [§ 11.] a) das unde den schaden B. daz C. b) vor den schaden B.

[§ 14.] a) ussern B. uzenen C.